



Broj: 05-04-1217/22-2
Travnik, 10.06.2022.godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH, broj 12/03 i 34/03), člana 10. Zakona o Agenciji za privatizaciju (Službene novine Srednjobosanskog kantona, broj 4/97, 7/05 i 10/12), Odluke o kriterijima za imenovanje članova Upravnog odbora Agencije za privatizaciju u Srednjobosanskom kantonu (Službene novine Srednjobosanskog kantona, broj 2/05) i Zaključka Vlade Srednjobosanskog kantona broj: 01-04.1-5019 od 09.06.2022.godine, ministar Ministarstva privrede raspisuje

**JAVNI OGLAS
ZA IZBOR JEDNOG ČLANA UPRAVNOG ODBORA
AGENCIJE ZA PRIVATIZACIJU U SREDNJOBOSANSKOM KANTONU**

Objavljuje se javni oglas za izbor jednog člana Upravnog odbora Agencije za privatizaciju u Srednjobosanskom kantonu (u daljem tekstu: Agencija).

1. Opis pozicije člana Upravnog odbora Agencije:

Zajedno sa ostalim članovima donosi Statut Agencije i druge opće akte, Poslovnik o radu, akte o unutrašnjoj organizaciji Agencije, finansijski plan Agencije, program rada Agencije, godišnji obračun, izvještaj o radu Agencije, metodologiju i druge opće akte iz nadležnosti Agencije u skladu sa zakonom i Statutom Agencije.

2. Kandidat treba ispunjavati opće uslove predviđene Zakonom o ministarskim, vladinim i drugim imenovanjima Federacije Bosne i Hercegovine i posebne uslove predviđene Odlukom o kriterijima za imenovanje člana Upravnog odbora Agencije za privatizaciju u Srednjobosanskom kantonu:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini, u periodu od 3 godine prije dana objavljivanja slobodne pozicije,
- da se na njega ne odnosi član IX. 1. Ustava Bosne i Hercegovine,
- da nije direktor u Agenciji,
- da nije član više od jednog upravnog odbora ustanove ili zavoda, nadzornom odboru privrednog društva,
- da imaju završen VII stepen stručne sprema (ekonomskog, pravnog ili tehničkog smjera),
- da ima najmanje pet godina radnog iskustva na poslovima svog stručnog zvanja.

3. Izbor i imenovanje člana Upravnog odbora Agencije obavlja se na period od 4 godine.

4. Uz prijavu na ovaj javni oglas kandidat je dužan priložiti:

- a) biografiju sa adresom i telefonskim brojem za kontakte,
- b) dokaze o ispunjavanju uslova oglasa:
 - potvrdu o državljanstvu, ne starija od 6 mjeseci,
 - potvrdu da se ne vodi krivični postupak od nadležnog kantonalnog suda,
 - ovjerenu pismenu izjavu kandidata:
 - I. da se na kandidata ne odnosi član IX. 1. Ustava Bosne i Hercegovine,



Ministarstvo privrede

Ministarstvo gospodarstva

-
- II. da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja,
 - III. da nije član više od jednog Upravnog odbora, ustanove ili zavoda ili Nadzornom odboru, privrednog društva.
- c) ovjerenu kopiju diplome,
 - d) potvrdu o radnom iskustvu u struci.

Svi kandidati sa liste užeg izbora bit će pozvani na intervju.

Prije intervjuja, kandidati su dužni dati podatke o neposrednim rukovodiocima, od kojih se mogu dobiti preporuke i informacije o kandidatu.

Prilikom pozivanja kandidata na intervju, svaki kandidat koji uđe u uži izbor dobit će obrazac u kojem će navesti bilo koje pitanje, koje bi moglo dovesti do sukoba interesa u slučaju da dođe do njegovog imenovanja.

Iznos naknade za rad članova Upravnog odbora Agencije utvrđuje osnivač Agencije, a naknade se isplaćuju iz sredstava Agencije.

Bilo koji kandidat ili bilo koja druga osoba – član javnosti, može podnijeti prigovor na konačno imenovanje ako vjeruje da u procesu imenovanja nisu poštovana načela utvrđena Zakonom o ministarskim, vladinim i drugim imenovanjima Federacije Bosne i Hercegovine. Prigovor se podnosi Ombudsmenu Federacije Bosne i Hercegovine.

Oglas će biti objavljen u dnevnim novinama Dnevni list i na službenoj web-stranici Vlade Srednjobosanskog kantona www.sbk-ksb.gov.ba.

Oglas ostaje otvoren 15 dana od dana objave u dnevnim novinama Dnevni list.

Prijavu sa svim traženim ispravama, dostaviti neposrednom predajom na protokol ili poštom, preporučeno, na adresu: “**Vlada Srednjobosanskog kantona, Ministarstvo privrede, 72270 Travnik, Stanična 43** uz naznaku: “**Prijava na javni oglas za izbor jednog člana Upravnog odbora Agencije za privatizaciju u Srednjobosanskom kantonu**“.

Nepotpune i neblagovremene prijave neće se uzeti u razmatranje.

MINISTAR

Nisvet Hrnjić